



JU KANTONALNA BOLNICA ZENICA

DIREKTOR

Adresa: Crkvice 67, 72000 Zenica, Bosna i Hercegovina Direktor: 032 447 010
Centrala: 032 447 000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 33-11-985/20
Zenica, 21.02.2020. godine.

Na osnovu člana 69. i 70. Zakona o javnim nabavkama ("Službeni glasnik BiH" broj: 39/14), člana 21. Pravilnika o javnim nabavkama JU Kantonalne bolnice Zenica (broj: 20/1-1-17555 od 24.08.2016 godine), direktor Kantonalne bolnice Zenica, donosi

ODLUKU

I

Vrši se odabir ponude ponuđača „INEL-MED“ D.O.O. MOSTAR, kao najpovoljnije za javnu nabavku robe – vijci i pločice za potrebe Odjela otorinolaringologije i maksilofacijalne hirurgije JU Kantonalna bolnica Zenica ukupne vrijednosti 14.966,40 KM bez uračunatog PDV-a na trogodišnjem nivou (otvoreni postupak javne nabavke, broj: 11-104/19).

II

Sa odabranim ponuđačem iz tačke I ove Odluke a nakon pravosnažnosti iste, zaključit će se okvirni sporazum na trogodišnjem nivou na ukupnu vrijednost ponude u predmetnoj nabavci u iznosu od 14.966,40 KM bez PDV-a.

III

Javna nabavka je provedena putem otvorenog postupka sa namjerom provođenja e-aukcije.

IV

Ova odluka stupa na snagu danom donošenja.

OBRAZLOŽENJE

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik, BiH broj: 103/14), Komisija za nabavku: **Medicinska sredstva- VIJCI I PLOČICE za potrebe Odjela otorinolaringologije i maksilofacijalne hirurgije JU KBZ na period od 3 (tri) godine** (tender broj 11-104/19), imenovana Odlukom direktora broj: 20/1-13192/4 od 31.12.2019. godine podnosi direktoru JU Kantonalna bolnica Zenica izvještaj o provedenom postupku javne nabavke robe **Medicinska sredstva- VIJCI I PLOČICE za potrebe Odjela otorinolaringologije i maksilofacijalne hirurgije JU KBZ na period od 3 (tri) godine** (tender broj 11-104/19).

Odlukom direktora broj 20/1-13192/3 od 31.12.2019. godine pokrenut je postupak javne nabavke: **Medicinska sredstva- VIJCI I PLOČICE za potrebe Odjela otorinolaringologije i maksilofacijalne hirurgije JU KBZ na period od 3 (tri) godine** (tender broj 11-104/19) ukupne procijenjene vrijednosti **15.000,00 KM** bez PDV-a, na trogodišnjem nivou.

Otvoreni postupak je odabran za korištenje iz sljedećih razloga:

Članom 19. stav 1 Zakona o javnim nabavkama propisano je da Ugovorni organi iz člana 4. ovog zakona za dodjelu ugovora o javnoj nabavci primjenjuje otvoreni ili ograničeni postupak kao osnovne i redovne postupke.

Obzirom da KB Zenica spada u ugovorne organe iz člana 4. ZJN, smatramo da su ispunjeni uslovi da se provede otvoreni postupak za javnu nabavku robe **Medicinska sredstva- VIJCI I PLOČICE za potrebe Odjela otorinolaringologije i maksilofacijalne hirurgije JU KBZ na period od 3 (tri) godine** (tender broj 11-104/19).

Komisija je na zatvorenom sastanku dana 20.02.2020. godine u 12,00 sati utvrdila sljedeće:

- da je na portalu „E-nabavke“ dana 24.01.2020. godine objavljeno je obavještenje o nabavci broj 669-1-1-23-3-37/20 i TD sa namjerom provođenja e-aukcije, te rokom prijema ponuda i javnim otvaranjem ponuda zakazanim za dan 11.02.2020. godine,
- da je planirano zaključivanje okvirnog sporazuma o javnoj nabavci roba sa jednim ponuđačem na period od 3 /tri/ godine;
- da na portalu „E-nabavke“ nije bilo postavljenih upita vezano za predmetnu nabavku,
- Da je sa portala „E-nabavke“ tendersku dokumentaciju objavljenju 24.01.2020. godine, preuzelo ukupno 8 (osam) potencijalnih ponuđača,
- da je javno otvaranje ponuda bilo dana 11.02.2020. godine u 10,00 sati
- da na javnom otvaranju ponuda nisu prisustvovali predstavnici ponuđača,
- da je na (tender broj 11-104/19), u predviđenom roku pristiglo ukupno 2 (dvije) ponude i to ponude ponuđača:

1. „OSTEO MED“ D.O.O. SARAJEVO
2. „INEL MED“ D.O.O. MOSTAR

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

Redni broj omotnice ponude	Naziv ponuđača	Cijena tehnički zadovoljavajuće ponude
----------------------------	----------------	----------------------------------------

1.	„OSTEO-MED“ D.O.O. SARAJEVO	Ukupna cijena: 32.830.00 KM bez PDV-a.
2.	„INEL-MED“ D.O.O. MOSTAR	Ukupna cijena: 14.966.40 KM bez PDV-a.

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izjava:

Ponudač je dužan u svrhu dokazivanja lične sposobnosti (član 45. ZJN BiH) dokazati da:

- u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponudač je dužan dostaviti popunjenu i ovjerenu kod nadležnog organa izjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponudač koji bude odabran kao najbolji u ovom postupku javne nabavke je dužan dostaviti slijedeće dokaze u svrhu dokazivanja činjenica potvrđenih u izjavi i to:

- izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.

Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 7 (sedam) dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona. Ponuđač je dužan u svrhu dokazivanja sposobnosti obavljanja profesionalne djelatnosti (član 46. ZJH BiH) dokazati da je:

- registrovan u odgovarajućim profesionalnim ili drugim registrima u zemlji u kojoj su osnovali firmu za obavljanje djelatnosti koja je predmet ove nabavke u vrijeme predaje ponude,
- upisan u registar veletrgovaca lijekova i medicinskih sredstava kod Agencije za lijekove i medicinska sredstva BiH,
- da je ovlašten distributer za predmet javne nabavke

U svrhu dokazivanja uslova iz tačke a) ponuđač je dužan dostaviti aktuelni izvod iz sudskog registra ili izjavu ili potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke u vrijeme predaje ponude.

U svrhu dokazivanja uslova iz tačke b.) aktuelni-važeći dokument/rješenje o upisu u registar veletrgovaca medicinskih sredstava koji je izdala Agencija za lijekove i medicinska sredstva BiH.

U svrhu dokazivanja uslova iz tačke c.) važeća autorizacija proizvođača ili glavnog distributera ponuđenih medicinskih sredstava.

Dokazi se dostavljaju kao neovjerene kopije originala, s tim da datum izdavanja originala za uslov pod tačkom a) ne može biti stariji od tri mjeseca računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke.

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

Ponuđač je dužan u svrhu dokazivanja ekonomsko i finansijske sposobnosti kandidata (član 47. ZJN) dokazati da:

- Da je glavni transakcijski bankarski račun ponuđača aktivan i solventan

U svrhu dokazivanja uslova ponuđač je dužan dostaviti:

- Izjavu ovjerenu od strane ponuđača, koja je dostavlja u formi iz Priloga 9. TD, koja ne smije biti starija od 15 /petnaest/ dana od dana predaje ponude i dostavljanje;
- potvrda banke ponuđača ili druge finansijske institucije (npr. Centralna banka BiH) da ponuđač ima otvoren i solventan račun kod iste i da je ujedno taj račun glavni, dostavlja se kao neovjerena kopija originala, s tim da datum izdavanja originala ne može biti stariji od 15 /petnaest/dana računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke.

Ponuđač je dužan u svrhu dokazivanja tehničke i profesionalne sposobnosti (član 48. i 49. ZJN BiH) dokazati da:

- da su sva ponudjena sredstva upisana u Registar medicinskih sredstava kod Agencije za lijekove i medicinska sredstva,
- da ponudjena medicinska oprema posjeduje odgovarajuće uvjerenje o kvalitetu izdato od strane organa ovlaštenog za verifikaciju proizvođača (samo ukoliko medicinskih sredstava traženih javnom nabavkom nema upisanih u registru sredstava kod Agencije za lijekove i medicinska sredstva BiH)
- prospektna dokumentacija ponuđene predmetne robe
- dostaviti uzorke ponudjenih artikala na zahtjev ugovornog organa u roku koji odredi sam Ugovorni organ.

U svrhu dokazivanja uslova tehničke i profesionalne sposobnosti ponuđač je dužan dostaviti:

- ponuđač je dužan dostaviti obične kopije dokumenata (Rješenje ili potvrdu o upisu sredstva u Registar lijekova i medicinskih sredstava kod Agencije za lijekove i medicinska sredstva).
- EC –Certifikat o uskladenosti ili izjave proizvođača o uskladenosti ponudjenog medicinskog sredstva s evropskom direktivom (Declaration of Conformity), obična kopija,
- prospektnu dokumentaciju za ponuđenu predmetnu robu (kataloška slika) na jednom od službenih jezika u BiH uz prevod ovlaštenog sudskog tumača, kopija
- Izjava ponuđača da će uz isporuku medicinskog sredstva dostaviti ovjerenu kopiju saglasnosti za uvoz medicinskog sredstva izdatog od strane Agencije za lijekove i medicinska sredstva BiH (originalan dokument),

NAPOMENA: Primjena uslova za dokazivanja tehničke sposobnosti kandidata (član 48. i 49. ZJN BiH) pod b), i dokaza traženih za ispunjavanje navedenog uslova (pod b) i c)) primjenjuje se samo ukoliko ne bude ponuđenih medicinskih sredstava upisanih u registar kod Agencije za lijekove i medicinska sredstva BiH i ukoliko ista ne budu ponuđena. Neregistrovano sredstvo će se nabavljati po proceduri i uvjetima utvrđenim Pravilnik o proizvodnji i prometu na veliko medicinskih sredstava (Službeni glasnik BiH, broj: 71/12).

Za ponuđače koji ponude medicinsko sredstvo upisano u registar kod Agencije za lijekove i medicinska sredstva BiH, ne traži se ispunjavanje uslova pod b). i dokaza pod b) i c).

- Izjava da će na zahtjev Ugovornog organa dostaviti uzorke ponudjenih proizvoda sa deklaracijom na jednom od govornih jezika u BiH u roku koji odredi Ugovorni organ a koji ne može biti kraći od 3 /tri/ dana od dana slanja zahtjeva za dostavu uzoraka.

NAPOMENA:

Ukoliko se utvrdi da uzorak u potpunosti ne ispunjava tražene zahtjeve iz tehničke specifikacije, ponuda ponuđača će biti ocjenjena kao neprihvatljiva za ugovorni organ i kao takva odbačena.

Ponuđač je dužan dostaviti sljedeće izjave kao sastavni dio TD:

- Izjava ponuđača o prihvatanju roka plaćanja, da će se plaćanje za isporučenu robu vršiti u roku od 60 (šezdeset) dana od dana prijema fakture na protokol Ugovornog organa u skladu sa tačkom 31. TD,
- Izjava ponuđača o mjestu isporuke - Bolnička apoteka JU Kantonalna bolnica Zenica, u skladu sa tačkom 10. TD.
- Izjava ponuđača da je rok isporuke predmetne robe najranije u roku od 24 (dvadesetčetiri) sata od prijema pismene narudžbe, a najkasnije u roku od 7 (sedam) dana od dana slanja narudžbe ugovornog organa, u skladu sa tačkom 11. TD
- Izjava ponuđača da prihvata elektronsku dostavu narudžbi, putem službenog e-maila ponuđača,
- Izjava ponuđača da je opcija važenja ponude 120 (stotinudvadeset) dana u skladu sa tačkom 15. TD
- Izjava ponuđača da će nakon odluke o izboru na službeni mail ugovornog organa dostaviti elektronski popunjen obrazac za cijenu ponude, Prilog broj 2,
- Izjavu ponuđača u koliko bude odabran da će na svome lageru obezvjediti tromjesečnu zalihu predmetne robe radi kontinuiteta u isporuci iste prema potrebama Ugovornog organa,
- Izjava ponuđača o nepromjenjivosti cijena za vrijeme trajanja okvirnog sporazuma
- Izjava ponuđača da će naručioca snabdijevati robom sa rokom trajanja robe koji u vrijeme dopreme u skladište naručioca neće biti kraći od 70% ukupnog trajanja lijekova i koji je označen u skladu sa članom 71. Zakona o lijekovima i medicinskim sredstvima.

Ponuda mora sadržavati:

- Osnovne podatke o ponuđaču na memorandumu ponuđača (Adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.)
- Obrazac za dostavljanje ponude sa popisanom dokumentacijom koja čini sastavni dio ponude; Prilog broj 1;
- Obrazac za cijenu ponude, Prilog broj 2;
- Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama - Prilog broj 3, ovjerena od strane nadležnog organa (općinskog organa uprave, suda ili notara);
- Obične kopije dokumenata kojima ponuđač dokazuje ispunjenost uslova iz člana 46. ZJN u skladu sa tačkom 12.2. TD,
- Obične kopije dokumenata/dokaza kojima ponuđač dokazuje tehničku i profesionalnu sposobnost. Izjave pod tačkom c) i d) se dostavljaju kao originalan dokument. (član 48. i 49. ZJN BiH) u skladu sa tačkom 12.4. TD
- Izjave ponuđača o uslovima isporuke iz tačke 12.5. TD,
- Obrazac izjave o dostavi garancije za uredno izvršenje okvirnog sporazuma, Prilog broj 4,
- Pismena izjava ponuđača iz člana 52. Zakona o javnim nabavkama BiH-Prilog broj 5,
- Obrazac povjerljive informacije, Prilog broj 6,
- Potpisan i ovjeren Nacrt okvirnog sporazuma, prilog broj 7,
- Obrazac izjave o prihvatanju općih i posebnih uslova tenderske dokumentacije, Prilog broj 8,
- Izjava i obične kopije dokumenata kojima dokazuje da ispunjava tražene uslova iz člana 47. ZJN - Prilog 9 TD,
- Original uvjerenja vanjskotrgovinske komore iz Bosne i Hercegovine u slučaju da ponudjač podliježe primjeni preferencijalnog tretmana domaćeg.
- Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude.

KOMISIJA KOJA PROVODI PREDMETNU JAVNU NABAVKU KONSTATUJE DA JE PONUĐAČ „OSTEO-MED“ D.O.O. SARAJEVO UZ PONUDU DOSTAVIO SLJEDEĆE DOKUMENTE, I TO:

- Obrazac za dostavljanje ponude, **Prilog broj 1**, popunjen, ovjeren i potpisan od strane ovlaštene osobe u popis priložene dokumentacije,
- Obrazac za cijenu ponude **Prilog broj 2**, popunjen, ovjeren i potpisan od strane ovlaštene osobe;
- Obrazac Izjave o dostavi garancije za uredno izvršenje okvirnog sporazuma, potpisan i ovjeren od strane ovlaštene osobe, **Prilog broj 4**,
- Obrazac za povjerljive informacije, **Prilog broj 6**, popunjen, potpisan i ovjeren od strane ovlaštene osobe
- Nacrt okvirnog sporazuma, uredno potpisan i ovjeren od strane ovlaštene osobe, **Prilog broj 7**;
- Obrazac Izjave o prihvatanju općih i posebnih uslova TD, **Prilog 8**, potpisan i ovjeren od strane ovlaštene osobe,
- Aktuelni izvod iz sudskog registra, Općinskog suda u Sarajevu broj 065-0-RegZ-20-001085 od 07.02.2020. godine, ovjeren od strane nadležnog organa dana 07.02.2020. godine,
- Rješenje Agencije za lijekove i medicinska sredstva BiH o izmjeni rješenja broj: 10-07.12-6-3366-4/14 od 29.06.2016. godine o upisu ponuđača u Registar veletrgovaca medicinskoim sredstvima, ovjeren od strane nadležnog organa dana 07.02.2020.
- Informacija Agencije za lijekove i medicinska sredstva BiH, broj: 10-02.3-862-1/20 od 06.02.2020. godine da je ponuđač u postupku provjere potrebnih uslova za dobijanje dozvole za promet medicinskih sredstava na veliko, ovjerena od strane nadležnog organa dana 07.02.2020.
- Izjava o ispunjavanju uslova iz člana 45. Stav (1) tačka od a) do d) ZJN BiH, **Prilog broj 3**, ovjeren od strane nadležnog organa dana 07.02.2020. godine,
- Izjava o ispunjenosti uvjeta iz člana 47. stav (1) tačke od a) do d) i (4) ZJN, ovjerena kod nadležnog organa 07.02.2020., **Prilog broj 9 TD**;
- Pismena izjava iz člana 52. ZJN BiH, ovjerena od strane nadležnog organa dana 07.02.2020. godine, **Prilog broj 5**,
- Uvjerenje Općinskog suda u Sarajevu broj: 65 0 Kr 015898 19 od 11.11.2019. g o činjenicama iz službene evidencije, da protiv ponuđača nije izrečena pravosnažna presuda, u smislu **čl.45.st.2 tačka a) ZJN** BiH, kopija,
- Uvjerenje Općinskog suda u Sarajevu, broj: 065-0-R-19-002350 od 14.11.2019. godine o činjenicama iz službene evidencije, da ponuđač nije predmet stečajnog postupka, postupka likvidacije, u smislu **čl.45.st.2 tačka b) ZJN** BiH, kopija
- Uvjerenje Porezne uprave Federacije BiH, Porezna ispostava Novo Sarajevo, broj: 13-9/3-15-5-7984/19 od 11.11.2019. godine, da ponuđač nema duga po osnovu javnih Prihoda i po osnovu doprinosa i ostalih direktnih poreza, kopija
- Uvjerenje Uprave za indirektno –neizravno oporezivanje Regionalni centar Sarajevo broj:02/6/II-16-11-20-9465-1/19 od 11.11.2019. godine, da ponuđač nema dospjelih a neizmirenih obaveza po osnovu indirektnih poreza, kopija,
- Izjava o prihvatanju elektronskih narudžbi, potpisana i ovjerena od strane ovlaštene osobe;
- Izjava o važenju ponude od 120/stodvadeset/ dana, potpisana i ovjerena od strane ovlaštene osobe;
- Izjava ponuđača o dostavljanju elektronski popunjenih obrazaca za cijenu ponude na elektronski e-mail nakon izbora, potpisana i ovjerena od strane ovlaštene osobe;
- Izjava o nošenju tromjesečnih zaliha, potpisana i ovjerena od strane ovlaštene osobe;
- Izjava o nepromjenjivosti cijena, potpisana i ovjerena od strane ovlaštene osobe;
- Izjava ponuđača da će naručioca snabdijevati robom sa rokom trajanja robe koji u vrijeme dopreme u skladište naručioca neće biti kraći od 70% ukupnog trajanja lijekova i koji je označen u skladu sa članom 71. Zakona o lijekovima i medicinskim sredstvima, potpisana i ovjerena od strane ovlaštene osobe;
- Izjava o mjestu isporuke, potpisana i ovjerena od strane ovlaštene osobe;
- Izjava o odgođenom plaćanju 60 dana od dana prijema fakture, potpisana i ovjerena od strane ovlaštene osobe;
- Potvrda Agencije za lijekove i med. sredstva, broj: 06-07.4-1-60-4/18 od 16.04.2018. godine o upisu medicinskog sredstva u Registar medicinskih sredstava BiH, sa prilogom (od str.33 do str. 41) kopija,
- Prospektna dokumentacija (od str.42 do str. 55) kopija.

Analizom ponude ponuđača „OSTEO MED“ D.O.O. SARAJEVO, Komisija koja provodi predmetnu javnu nabavku utvrdila je da je ponuda uvezana na način utvrđen T.D., da je ista numerisana u skladu sa zahtjevima koje je postavio Ugovorni organ u TD, da je ponuđač dostavio KOPIJU ponude i ORIGINAL ponude shodno tački 14. TD, da je ponuđač dostavio dio dokumenata, obrazaca i izjava traženih tenderskom dokumentacijom o ispunjavanju uslova traženih u pogledu lične, ekonomsko-finansijske i profesionalne sposobnosti ponuđača i tehničke sposobnost.

Detaljnim pregledom dostavljene ponude imenovanog ponuđača utvrđeno je da isti nije u potpunosti postupio u skladu sa postavljenim uslovima iz TD, te tako nije pravno i formalno zadovoljen uslov postavljen TD, pa tako na strani 7 u tački 12.2. TD stoji da je ponuđač dužan u svrhu dokazivanja sposobnosti obavljanja profesionalne djelatnosti dokazati da je ovlašteni distributer za predmetnu javnu nabavku, te kao dokaz dužan je dostaviti važeću autorizaciju proizvođača ili glavnog distributera ponuđenih roba. Uvidom u Obrazac za cijenu ponude, Prilog broj 2 koja je sastavni dio dostavljene ponude, utvrđeno je da je u rubrici proizvođač imenovani naveo Agomed Medizin-Technik GmbH, ali kao sastavni dio ponude kako je traženo nije dostavio važeću autorizaciju.

Nadalje, imenovani ponuđač nije dostavio Izjavu iz tačke 12.5. kojom se obavezuje na rok isporuke u skladu sa tačkom 11. TD, iako je traženo da navedena izjava čini sastavni dio dostavljene ponude svih zainteresovanih ponuđača. Ponuda ponuđača formalno nije zadovoljila ni uslove postavljene tačkom 12.3. TD gdje je imenovani bio dužan kao sastavni dio ponude dostaviti potvrdu banke ili druge finansijske institucije (npr. Centralna banka) da ima solventan i otvoren račun kod iste i da je ujedno taj račun glavni račun ponuđača.

U ponudi ponuđača “OSTEO MED” D.O.O. SARAJEVO na više mjesta kako u Obrascu za cijenu ponude, Prilog broj 2 TD tako i u ostalom dijelu ponude uočeno je da su dijelovi ponude brisani korektorom što nije učinjeno u skladu sa Zakonom i Uputstvom za pripremu modela TD i ponuda, obzirom da u slučaju da ponuđač načini grešku pripreme ponude ista se ispravlja na način da ispravljeni podaci moraju biti vidljivi, potvrđeni potpisom ponuđača i pečatom. Način na koji je imenovani ponuđač izvršio ispravke je da je istu samo precrtao korektorom i preko istog napisao novi podatak što nije u skladu sa gore navedenim jer nije moguće utvrditi ko je načinio ispravku odnosno da li je ista ispravljena kao takva prije pakovanja ili nakon otvaranja ponuda, što nije u ni u skladu sa načelom transparentnosti postupka predmetne javne nabavke.

Prema svemu gore navedeno ponuda ponuđača "OSTEO MED" D.O.O. SARAJEVO formalno pravno ne ispunjava postavljene uslove iz TD, te kao takva nije prihvatljiva Ugovornom organu i isključuje se iz daljnjeg vrednovanja ponuda.

KOMISIJA KOJA PROVODI PREDMETNU JAVNU NABAVKU KONSTATUJE DA JE PONUĐAČ „INEL-MED“ D.O.O. MOSTAR UZ PONUDU DOSTAVIO SLJEDEĆE DOKUMENTE, I TO:

- Sadržaj ponude na memorandum ponuđača, potpisana i ovjerena od strane ovlaštene osobe,
- Osnovni podaci o ponuđaču, na memorandum ponuđača, potpisana i ovjerena od strane ovlaštene osobe,
- Obrazac za dostavljanje ponude, uredno popunjen, potpisan i ovjeren od strane ovlaštene osobe ponuđača, **Prilog broj 1**
- Obrazac za cijenu ponude **Prilog broj 2**, potpisan i ovjeren od strane ovlaštene osobe,
- Obrazac izjave o dostavi garancije za uredno izvršenje ugovora, potpisan i ovjeren od strane ovlaštene osobe, **Prilog broj 4**,
- Povjerljive informacije, potpisana i ovjerena od strane ovlaštene osobe, **Prilog broj 6**,
- Nacrt okvirnog sporazuma, ovjeren i potpisan od strane ponuđača, **Prilog broj 7**,
- Obrazac izjave o prihvatanju općih i posebnih uslova TD, potpisana i ovjerena od strane ovlaštene osobe, **Prilog broj 8**,
- Obrazac izjave o ispunjenosti uslova iz člana 45. stav (1) tačka od a) do d) Zakona o javnim nabavkama BiH ovjerena kod nadležnog organa 04.02.2020. godine, **Prilog broj 3**,
- Uvjerenje suda BiH u Sarajevu, broj Su: 03-7088/19 od 12.12.2019. godine o činjenicama iz službene evidencije, u smislu čl.45.st.2 tačka a) ZJN BiH, ovjerena kod nadležnog organa 04.02.2020. godine,
- Potvrda broj Su-uvip 3682/2019 od 10.12.2019. god., Općinski sud u Mostaru, da protiv ponuđača nije donesena pravomoćno-pravosnažna osuđujuća presuda, za kazneno krivična djela organiziranog kriminala, za korupciju, prevaru ili pranje novca, u skladu sa važećim propisima u BiH, kopija ovjerena kod nadležnog organa 04.02.2020. god.
- Potvrda broj Su. uvip. 3681/2019 od 10.12.2019. god., Općinski sud u Mostaru, da ponuđač nije pod stečajem, niti je predmet stečajnog postupka, kao i da nije predmet likvidacije, kopija ovjerena kod nadležnog organa 04.02.2020. god.
- Uvjerenje broj 13-7/1-15-16427-1/19 M.B od 11.12.2019. god., izdato od Porezne uprave Federacije BiH Porezna ispostava Mostar, da ponuđač nema duga po osnovu javnih prihoda, kopija ovjerena kod nadležnog organa 04.02.2020. god.
- Uvjerenje broj 02/6/III-16-11-2-5505-1/19 od 10.12.2019. god., Uprave za indirektno-neizravno oporezivanje, Regionalni centar Mostar, da ponuđač nema dospjelih, a neizmirenih obaveza po osnovu indirektnih poreza, ostalih prihoda i taksi definisanih odredbama člana1. stav (2) Zakona o sistemu indirektnog oporezivanja i člana 1. stav (3) Zakona o uplatama na Jedinstveni račun i raspodjeli prihoda, kopija ovjerena kod nadležnog organa 04.02.2020. godine,
- Aktuleni izvod iz sudskog registra, od 11.12.2019. godine, Općinski sud u Mostaru, kopija ovjerena kod nadležnog organa 04.02.2020. godine
- Uvjerenje U I O, broj 04/1-17-56-1407-2/07 od 20.12.2007. godine, o registraciji/upisu ponuđača u Jedinstveni registar obveznika neizravnih poreza, kopija ovjerena 04.02.2020. god. kod nadležnog organa
- Uvjerenje Porezne uprave-Kantonalni ured Mostar, o poreznoj registraciji ponuđača izdato 29.11.2007. godine, kopija ovjerena 04.02.2020. god. kod nadležnog organa
- Rješenje Agencije za lijekove i medicinska sredstva BiH, broj: 10-07.12-4-4171-2/18 od 22.08.2018. godine o upisu ponuđača u Registar veleprometnika medicinskim sredstvima, ovjerena od strane nadležnog organa 04.02.2020 godine,
- Izjava o ispunjenosti uvjeta iz člana 47. stav (1)tačke od a) do d) i (4) ZJN, godine, **Prilog broj 9** TD; potpisana i ovjerena od strane ovlaštene osobe, ovjerena od strane nadležnog organa 04.02.2020. godine,
- Potvrda UniCredit Bank Poslovni centar Mostar, o statusu glavnog računa ponuđača, od 04.02.2020. godine, kopija ovjerena od strane nadležnog organa 04.02.2020 godine,
- Pismena izjava iz člana 52. Zakona o javnim nabavkama, ovjerena kod nadležnog organa 04.02.2020. godine, **Prilog broj 5**,
- Autorizacija proizvođača TREU - Instrumente Njemačka, ovjerena od strane nadležnog organa 05.02.2020 godine,
- Autorizacija proizvođača TREU - Instrumente Njemačka, prevod sudskog tumača,
- Potvrda Agencije za lijekove i medicinska sredstva BiH, broj: 06-07.4-1-1638-2/19 od 30.07.2017. godine o upisu medicinskog sredstva u Registar medicinskih sredstava Bosne i Hercegovine (od str.34 do str. 69) potpisana i ovjerena od strane ovlaštene osobe,
- Potvrda Agencije za lijekove i medicinska sredstva BiH, broj: 06-07.4-1-1023-2/19 od 02.08.2019. godine o upisu medicinskog sredstva u Registar medicinskih sredstava Bosne i Hercegovine (od str.70 do str. 114) potpisana i ovjerena od strane ovlaštene osobe,
- Potvrda Agencije za lijekove i medicinska sredstva BiH, broj: 06-07.4-1-1640-2/19 od 31.07.2019. godine o upisu medicinskog sredstva u Registar medicinskih sredstava Bosne i Hercegovine (od str.115 do str. 126) potpisana i ovjerena od strane ovlaštene osobe,
- Potvrda Agencije za lijekove i medicinska sredstva BiH, broj: 06-07.4-1-2963-2/19 od 13.11.2019. godine o upisu medicinskog sredstva u Registar medicinskih sredstava Bosne i Hercegovine (od str.127 do str. 129) kopija potpisana i ovjerena od strane ovlaštene osobe,
- Izjava ponuđača (tačka 12.4TD) o dostavi saglasnosti za uvoz, potpisana i ovjerena od strane ovlaštene osobe,
- Izjava ponuđača o dostavljanju uzoraka medicinskih sredstava sa deklaracijom na jednom od govornih jezika BiH, potpisana i ovjerena od strane ovlaštene osobe,
- Izjava ponuđača o uslovima isporuke (tačka 12.5 TD), roku plaćanja- bezavansno u roku od 60 (šezdeset) dana, o mjestu isporuke - Bolnička apoteka JU KBZ Zenica, o roku isporuke, da prihvataju elektronsku dostavu narudžbi, da je rok važenja ponude 120 (stotinudvadeset) dana, da će nakon izbora na službeni mail ugovornog organa dostaviti elektronski popunjen obrazac za cijenu ponude, da će nakon izbora obezbijediti tromjesečnu zalihu predmetne robe, da su cijene nepromjenjive za vrijeme trajanja okvirnog sporazuma, izjava o roku trajanja robe potpisana i ovjerena od strane ovlaštene osobe,

Analizom ponude ponuđača „INEL-MED“ D.O.O. MOSTAR, Komisija koja provodi predmetnu javnu nabavku utvrdila je da je ponuda uvezana na način utvrđen T.D. u tački 14, da je ista numerisana u skladu sa zahtjevima koje je postavio Ugovorni organ u TD, da je ponuđač dostavio "KOPIJU" ponude i "ORIGINAL" ponude shodno tački 14. TD, da je ponuđač dostavio sve dokumente, obrasce i izjave tražene tenderskom dokumentacijom o ispunjavanju formalno pravnih uslova traženih u pogledu lične sposobnosti iz člana 45. ZJN BiH, ekonomsko-finansijske sposobnosti iz člana 47. ZJN BiH, i profesionalne sposobnosti ponuđača iz člana 46. ZJN BiH, odnosno da su ispunjeni uslovi postavljeni u TD u skladu sa članovima 48. i 49. ZJN BiH, te da je nakon pregleda od strane predsjednika Komisije utvrđeno da ponudeni artikli iz Obrasca za cijenu ponude Prilog broj 2 TD odgovaraju traženoj tehničkoj specifikaciji.

Prema svemu gore navedenom ponuda ponuđača „INEL-MED“ D.O.O. MOSTAR u cjelosti ispunjava sve kvalifikacione uslove postavljene TD i kao takva je prihvatljiva Ugovornom organu.

Ponuđač ne uživa preferencijalni tretman domaćeg obzirom da nije postupio u skladu sa tačkom 17.a) TD i dostavio potrebnu dokumentacijom.

Ponuđač „INEL-MED“ D.O.O. MOSTAR je dostavio potrebnu dokumentaciju iz člana 45. ZJN BiH koju je inače bio dužan dostaviti nakon dostavljanja Odluke o izboru najpovoljnijeg ponuđača u slučaju da bude izabran kao takav, ali obzirom da je dokumentacija već dostavljena kao sastavni dio ponude imenovani ponuđač istu nije dužan dostavljati.

Nakon toga prišlo se na ocjenu ponude u skladu sa utvrđenim kriterijima.

U tenderskoj dokumentaciji za nabavke robe: **Medicinska sredstva - VIJCI I PLOČICE za potrebe Odjela otorinolaringologije i maksilofacijalne hirurgije JU KBZ na period od 3 (tri) godine (tender broj 11-104/19), JRJN oznaka predmeta nabavke: 33000000-0 Medicinske naprave, lijekovi i proizvodi za osobnu njegu, ukupna vrijednost nabavke iznosi 15.000,00 KM, bez uračunatog PDV-a na trogodišnjem nivou. Kriteriji za dodjelu ugovora je:**

a) Najniža cijena tehnički zadovoljavajuće ponude

Također, tenderskom dokumentacijom planirano je provođenje e-aukcije.

Obzirom da je nakon provjere kvalificiranosti ponuđača i evaluacije njihovih ponuda utvrđeno da samo jedan ponuđač ispunjava kvalifikacione uslove tražene TD, i to ponuđač „INEL-MED“ D.O.O. MOSTAR, provođenje e-aukcije u tom slučaju se ne provodi iz objektivnih razloga, u skladu sa odredbama Pravilnika o uslovima i načinu korištenja e-aukcije (Službeni glasnik BiH, broj: 66/16) i kriterijima za dodjelu ugovora definisanim tenderskom dokumentacijom.

Komisija je izvršila vrednovanje ponuda kako slijedi:

1. „INEL MED“ D.O.O. MOSTAR

Redni broj	Naziv ponuđača	Najniža cijena tehnički zadovoljavajuće ponude
1.	„INEL-MED“ d.o.o. Mostar	14.966.40

Procijenjena vrijednost nabavke je **15.000.00 KM bez PDV-a.**

Obzirom da je u predmetnoj javnoj nabavci robe - VIJCI I PLOČICE za potrebe Odjela otorinolaringologije i maksilofacijalne hirurgije JU Kantonalna bolnica Zenica na period od 3 (tri) godine pristigla samo jedna kvalificirana ponuda, da zakazivanje i provođenje e-aukcije u tom slučaju se ne provodi iz objektivnih razloga, shodno utvrđenoj rang listi, Komisija jednoglasno daje preporuku direktoru JU Kantonalne bolnice Zenica da u postupku predmetne javne nabavke izvrši odabir ponude i donese odluku o dodjeli okvirnog sporazuma na period od 3 /tri/ godine na ponudenu cijenu ponude u visini od **14.966.40 KM bez uračunatog PDV-a, ponuđaču „INEL-MED“ d.o.o. Mostar kao jedinom prihvatljivom ponuđaču (tender broj 11-104/19).**

Na osnovu gore navedenog, donesena je odluka kao u dispozitivu.

POUKA O PRAVNOM LIJEKU:

Protiv ove odluke može se uložiti žalba Kantonalnoj bolnici Zenica u roku od 10 /deset/ dana od dana prijema iste.



Rasim Skomorac